

Meeqjanut tapiissutit pillugit Inatsisartut inatsisaata allanngortinnaa pillugu Inatsisartut inatsisaat (Naatsorsuinermut periaaseq nutaaq, aningaasarsiat akileraarutaasussat maannakkorpiaq ningaasarsianit taarserneqarput aamma procenti aaqqiissutissaq atorlugu meeqjanut tapiissutit aaqqiivigineqartarneri)

§ 1

Meeqjanut tapiissutit pillugit Inatsisartut inatsisaanni nr. 9, 7. december 2009-imeersumi ima allannguisoqarpoq:

1. Kapitalitut quleqtaaq *Kapitali 1* ima oqaasertalerneqassaaq:

“Kapitali 1

Aalajangiineq naatsorsuinerlu”

2. § 1, imm. 1, nr. 4 ima oqaasertalerneqassaaq:

”4) Meeqjanik inuuusuttunillu ikiorsiisarneq pillugu Inatsisartut peqqussutaat imaluunniit Meeqqat
tapersorsorneqarnissaannut Inatsisartut inatsisaat naapertorlugit meeraq angerlarsimaffiup avataanut pisortanit
inissinneqarsimassanngilaq allatigulluunniit pisortanit pilersorneqarluni aamma”

3. § 3 ima oqaasertalerneqassaaq:

” § 3. Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaanni § 5
naapertorlugu meeqjanut tapiissutit maannakkorpiaq aningaasarsiat aallaavigalugit naatsorsorneqassapput.

Imm. 2. Angajoqqaat najugaqtigipiippata, angajoqqaat maannakkorpiaq ataatsimoortumik aningaasarsiaat
aallaavigalugit meeqjanut tapiissutit naatsorsorneqassapput.

Imm. 3. Meeraq angajoqqaami arlaanni najugaqarpat, meeqqamut tapiissutit angajoqqaap najugaqarfingisaata
maannakkorpiaq aningaasarsiai aallaavigalugit naatsorsorneqassapput. Angajoqqaq taanna meeqqamut
angajoqqaajunngitsumik katissimappat aappaqarpalluunniit, minnerpaamillu ukioq 1 aappariissimappata,
aappaasup maannakkorpiaq aningaasarsiai naatsorsuinermut ilanngunneqassapput.

Imm. 4. Meeraq angajoqqaamini tamani naligiimmik najugaqartarpat, meeqqap inunnik nalunaarsuisarfimmi nalunaarsorneqarfigisaami angajoqqaap maannakkorpiaq aningasarsiai tunngavigalugit meeqqanut tapiissutit naatsorsorneqassapput.

Imm.5. Maannakkorpiaq aningasarsiat naatsorsuinermi tunngaviusut malunnaatilimmik allannguiteqarpata imaluunniit meeqqat amerlassusaat allanngorpat, allannguutit naapertorlugit meeqqanut tapiissutit naatsorsorneqeqqissapput. Maannakkorpiaq aningasarsiat malunnaatilimmik allanngorsimatillugit, procenti aaqqiissutissaq aamma maannakkorpiaq aningasarsiat pillugit Inatsisartut inatsisaanni § 6-imil malittarisassat naapertorlugit maannakkorpiaq aningasarsiat naatsorsorneqassapput.

Imm. 6. Ilaqtariit Kalaallit Nunaannut nuuttut, § 1-imil piumasaqaatit naammassisimappatigit, nuunermik kingorna qaammatip aallaqqaataanit meeqqanut tapiissutinik tunineqarsinnaapput. Procenti aaqqiissutissaq aamma maannakkorpiaq aningasarsiat pillugit Inatsisartut inatsisaanni § 6 naapertorlugu meeqqanut tapiissutit, maannakkorpiaq aningasarsiassatut naatsorsuutigisat allaavigalugit naatsorsorneqassapput.”

4. § 4 ima oqaasertalerneqassaaq:

” **§ 4.** Ukiuumoortumik meeqqamut ataatsimut tapiissutit qaffasinnerpaaffissaasa annertussusaat tassaapput 8.477 kr.-it.

Imm. 2. Meeqqanut tapiissutit aningasarsiat annertusiartornerat ilutigalugu annikillilerneqassapput. Maannakkorpiaq aningasarsiat 130.000 kr.-it anguppatigit meeqqanut tapiissutit annikillilerneqalissapput. Aningasanut killigititaq taanna meeqqap siulliup saniatigut meeqqanut, meeqqamut ataatsimut 25.000 kr.-inik qaffanneqassaaq.

Imm. 3. Annikilliartortsineq pissaaq annikilliartortsinermut procentit nikerartut atorlugit. Meeqqamut ataatsimut, naatsorsuinermut tunngavigineqartumut, annikilliartortsinermut procenti 3,5 pct.-iuvoq.

Imm. 4. Meeqqanut tapiissutit ima naatsorsorneqassapput aningasarsiatut tunngavik annikilliartortsinermi procentimik atorneqartumik amerlisariarlugu meeqqanut tapiissutinit annerpaanit ilanngaatigineqassalluni. Imm. 2 naapertorlugu aningasarsiat tunngaviusut tassaapput maannakkorpiaq aningasarsiat, aningasarsiat apeqqutaillugit ilanngaatisisanik ilanngarlugit.

Imm. 5. Meeqqanut tapiissutit imaluunniit aningasarsiat tunngaviusut negativiusinnaangillat.

Imm. 6 . Procenti aaqqiissutissaq aamma maannakkorpiaq aningasarsiat pillugit Inatsisartut inatsisaanni § 3 naapertorlugu imm. 1-imil aamma imm. 2-mi aningasat ukiumi naatsorsuiffimmi pineqartumi procenti aaqqiissutissaq malillugu ukiut tamaasa aaqqiivigineqartassapput.”

5. § 6, imm. 5, ima oqaasertalerneqassaaq:

” *Imm. 5.* Meeqqanut tapiissutit tunniunneqartarnerannut malittarisassanik Naalakkersuisut aalajangersaasinnaapput, matumani inersimannngitsunut tapiissutinik tunniussisarnermi aqutsinermilu malittarisassat aamma aningasat tunniunneqartussat minnerpaaffissaannik aalajangersaaneq ilanngullugit.”

6. § 9, imm. 2, ima oqaasertalerneqassaaq:

” *Imm. 2.* Maannakkorpiaq aningasarsiat, meeqqanut tapissutit naatsorsorneqarnissaannut tunngaviusussat, pillugit kommunalbestyrelse paassisutissanik piniarsinnaavoq.”

7. § 11 ima oqaasertalerneqassaaq:

” **§ 11.** Inatsisartut inatsisaanni matumani malittarisassat naapertorlugit aalajangiinerit, isumaginnittooqarfiusaqunneqarnera aaqqissuussaaneralu pillugit inatsimmi malittarisassat naapertorlugit, Isumaginninnermi Naammagittaalliuuteqartarfimmut naammagittaalliuutigineqarsinnaapput.”

§ 2

Inatsisartut inatsisaat atuuttuulerpoq 1. januar 2019.

Namminersorlutik Oqartussat ulloq 27. november 2018

Kim Kielsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaquataasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut